

臨  
邑  
縣  
志

卷

四

卷  
五



臨邑縣志

廬江王正茂纂著

本衙藏板



人物列傳叙

傳人物者謂其忠孝節義

業文章足以為世教勸而

傳之也今之傳者則不徒爵

秩封蔭年齒耶墓子姓瑣

上者豈不備書叙事則鋪排

臨晉縣志

人物叙

一

揚揄其人而絕無之善必濫

加之噫是粧飾者觀美也然

已不足為美而其人本然之

善於是乎晦夫古之良史其記

事直而辭簡而不汙謹於帝王

將相豪傑賢人所善不遺其



事為稱人者必舉其尤以見  
異於其人豈所蒙而後之  
人可以及所視哉予著列傳  
祈牒而乞者累。然芟夷冗  
碎存什一於千百於以視其人  
不敢微言言也其有人與予是

臨晉縣志

人物

叙

二

垂世而翼姦者則多方以為  
之微若夫前賢行狀我正史  
者撮要書之恐尚賢以為贅  
也夫贅前賢且不可況也代  
哉

人物列傳目次

廬江王正茂纂著

受業太谷杜昌炎

陽城李誥 全訂

王卓王顏列傳

張元素柳楚賢列傳

裴寂傳

羅道琮柳冲列傳

唐太傅董晉傳

薛謩傳

臨晉縣志

人物目次 卷四

唐太子太保范希朝傳

唐兵部侍郎司空圖傳

劉綜麻秉彛列傳

陳仲謙傳 廣 庾 膺 元凱 崇祖 附

張繼祖傳

謝天吉傳 陝 誥 欽命 化鯉 延祐 延馨 延祉 子公 救臨 敦臨 功肅 附

明監察御史郭祥傳

明按察僉事姚昌祚傳

樊珪楊應薦列傳

王焯傳

王光宇傳

衛鈿衛鈞衛鱗列傳

荊州土荆養喬列傳

爾植 爾桀 祚永 為揖 位怒 為權附

姚維新姚昌籙列傳

李棲鳳李棲鵬列傳

世振 世憲 越附

樊文煥韓啟泰列傳

王鼎新楊教列傳

呂雲藻傳

臨晉縣志

人物目次

卷四

二

王恭先傳

謝陳常姚潛列傳

姚可棟傳

焦端張維鼎列傳

申明王錫光列傳

劉煥高 張所聚 荆樹晉 郭後模附

胡養熊樊九教列傳

胡溫 荆德志 張永陞 郭大招附

劉養德李世昌列傳

胡潭胡止列傳

李復唐 韓啟芳附

麻革李純夫王桂列傳



王卓王顏列傳

王卓字世盛太原人繼父宅為河東太守歷官魏晉時遭劉石亂阻歸遂塋於邑之解城西其裔孫顏以唐進士終虢州刺史博洽多聞尤明世系嘗嘆大道隱子孫失序以王氏為平王孫赤之後於臨立太原鄉後嗣稱盛夫俗之澆也有歷數世而忘其祖者矣有伯叔昆季弔喪問疾而不相及者矣顏能封墓聯鄉敦古者敬宗收族之誼其務本者哉抑聞顏晚歲棄官習靜浸淫元學豈信然耶予嘗至中條故老云臨晉縣志

人物

卷四

一

有王顏靜院焉

張玄素柳楚賢列傳

張玄素虞人隋景城戶曹竇建德俘城將殺之衆泣請乃釋官之辭隋亡臣夏嗣臣唐諫治洛陽宮繩太子高宗時老

柳楚賢隋令也說通守堯君素降唐不從乃奔仕唐使矣厥不納贈進都督

論曰張敢諫柳亦能惜二節義可逃哉

臨晉縣志

人物

卷四

二

裴寂傳

裴寂隋侍御也兼晉陽宮副監與唐公結捕酒契隋禪寂陳符命督太常具儀唐公曰使我至此者公也拜司空貞觀時卒嘉舊勞贈秩

羅道琮柳冲列傳

羅道琮虞人貞觀時以上書流嶺表有同流者病訣  
曰死固宜恨異壤耳道琮曰我若生還不棄卿也訖  
卒瘞而去歲餘赦還求所瘞漲漫不可得琮望澤而  
哭水忽沸迺獲幹載歸琮以明經官博士能文有義  
烈

柳冲虞人性嗜學多所貫通以主簿安撫淮南賜男  
爵官至左散騎常侍備國史纂姓系錄儒林重焉  
論曰多文為富二子以之羅於君友間其庶乎

臨晉縣志

人物

卷四

三



天平公... 卷四... 臨晉縣志... 羅道琮... 柳冲... 論曰多文為富... 二子以之羅於君友間其庶乎

唐太傅董晉傳

董太傅事詳唐史昌黎復為之狀予曷傳取行狀節存之即以傳也太傅名晉字渾成以明經官翰林歷祠部郎中代宗時副侍郎李涵如回紇立可敦回紇曰唐之復土疆取回紇力焉約我為市馬既入而歸我賄不足我於使人乎取之涵懼不對視晉晉曰我之復土疆爾信有力焉吾非無馬而與爾為市為賜不既多乎爾之馬歲至吾數皮而歸資邊吏請致詰也天子念爾有勞故下詔禁侵犯諸戎畏我大國之

臨晉縣志

人物

卷四

四

爾與也莫敢校焉爾之父子寧而蓄馬蕃者非我誰使之於是皆環拜曰不敢復有意大國晉自回紇歸未嘗言其事朱泚之亂宣慰恒州朱滔以回紇助亂晉與滔戰破走之還河中李懷光反晉知其與泚合也造而言曰公之功天下無與敵公之過未有聞於人某至上所言公之情上寬明將無不赦宥焉乃能為朱泚臣乎彼為臣而背其君苟得志於公何有且公既為太尉矣彼雖寵公何以加此彼不能事君能以臣事公乎公能事彼而有不能事君乎彼知天下

之怒朝夕戮死者也故求其同罪而與之比公何所  
利焉公之敵彼有餘力不如明告之絕而起兵襲取  
之清宮而迎天子庶人服而請罪有司雖有大過猶  
將拚焉如公則誰敢議語已懷光拜曰天賜公活懷  
光命喜且泣晉亦泣則又語其將卒如語懷光有將  
卒呼曰天賜公活吾三軍命拜且泣晉亦泣故懷光  
卒不與泚合晉氣仁語若不能出口及當事乃更踈  
亮捷給其詞忠其容貌溫然故有言於人無不信其  
為相也凡所奏於上前者皆二帝三王之道由秦漢

臨晉縣志

人物

卷四

五

以降未嘗言退歸未嘗言所言於上者於人子弟有  
私問者謂曰宰相繫天下安危凡所謀議於上前者  
不足道也初晉作相時五月朔會朝天子竇參攝中  
書令當傳詔疾作不能事凡將大朝會常事者既受  
命皆先日習儀於時未有詔公卿相顧晉遂巡進北  
面言曰攝中書令臣某病不能事臣請代某事於是  
南面宣致詔詞事已復位進退甚詳其為汴州刺史  
卽度也不以兵衛及鄭州逆者不至鄭州人為之懼  
或勸其止以待有自汴出者言於晉曰不可入晉不

對遂行明日鄧惟恭及諸將至遂逆以入及邠三軍  
緣道歡聲庶人壯者呼老者泣婦人啼遂入以居初  
劉元佐死吳湊代之及鞏聞亂歸元佐子士寧遂自  
為其將李萬榮亦逐士寧自為故萬榮麾將惟恭亦  
有志以晉之速也不及謀遂出逆既而私其人觀晉  
所為以告曰無為惟恭喜知其不害已也遂委心為  
進見晉者退皆曰仁人也聞晉言者皆曰仁人也太  
和以來汴士卒驕不可制刺史節度置腹心之士幕  
於公庭廡下挾弓執劍以湏日出而入前者去日入

臨晉縣志

人物

卷四

六

而出後者至寒暑時至則加勞賜酒肉晉至之明日  
皆罷之於是職事修人俗化嘉禾生白鵲集蒼鳥來  
巢嘉瓜同蒂聯寔四方至者歸以告其帥小大咸懷  
有所疑輒使來問有交惡者與平之累請朝不許及  
有疾又請之且曰人心易動軍旅多虞及臣之生計  
不先定至於他日事或難期猶不許遂薨於位上三  
日罷朝贈太傅其將薨也命其子三日飲既飲而行  
於行之四日汴州亂故君子以為知人晉居處恭無  
妾媵不飲酒不諂笑好惡無所偏與人交泊如也未

嘗言兵有間者曰吾志於教化子四人皆仕唐稱善士有學行

贊曰溫良慈恕既藹然其可親危言正色則又凜然大節之能伸其有得於中庸者也君子人歟古之人

臨晉縣志



七

大德之謂道中其計辨於中兼法也蓋其人  
曰身兼法也兼法其也蓋法言正也  
言是也

薛謩傳

薛謩唐邠州刺史寶積之曾孫龍門侯繪之孫大理丞承矩之子也以崇文生歷仕至福建都團練觀察使閩有負海之饒民悍而俗鬼居洞若家桴筏者與華言不通謩兼戎索治之民咸悅初謩為御史裏行充水運使發粟餽軍無乏省費以萬計蓋能者也

臨晉縣志

人物

卷四

唐太子太保范希朝傳

范希朝字致君虞人為邠寧軍別將歷節度使以左龍武統軍太子太保致仕在振武時部有肆掠者宵剽闔希朝度要害置屯保嚴邏斥雖草竊殺無赦人憚之邊帥效駝馬皆不納帝命率師討王承宗能持重挫之宗敗當時諸鎮不朝自述職者希朝而已

論曰唐衰希朝為良將招沙陀戰必克唐於時稍振當世比之趙營平有以哉

唐兵部侍郎司空圖傳

自明令丁守中纂王官圖集於是司空表聖之名益  
為臨人所飫予欲詳核其蹟史傳多有之茲特論其  
大者曰士君子貴用世耳豈高隱概哉亦既受祿有  
年矣觀閔既多遂卽園以自閑不矯而愬乎雖然無  
道與易聖人之大也賢則宜於隱矣况以孤臣遭背  
憎猶復與齷齪者俯仰以相於何忍而為此也司空  
圖字表聖號貽溪又號耐辱居士以唐進士歷兵部  
侍郎當僖懿間朝綱日替閣寺擅權設使見幾不作  
臨晉縣志

人物

卷四

九

藉口匡時謂能與鄭王楊李諸人絮乎抑汶汶而甘  
與敬暄令孜昵也昭宗未造全忠逆謀已著柳璨黨  
之表聖以若進若退之身處不惠不夷之列墮笏見  
遺嘉遯貞吉全身盡年之道其庶幾矣迨賊溫聘至  
餓死王官首陽抗跡唐史所謂真丈夫者洵矣哉

劉綜麻秉彛列傳

劉綜字居正宋進士虞鄉人有鍊才歷官陝西轉運副使時靈州孤危議棄之綜爭之力上鎮戎軍屯田策多可採兩河用兵政如勞絲綜乏庀漕漕治歷知孟州開封皆以最聞

麻秉彛字仲常金進士少聰悟少詩少傳貽溪集似小杜初為西京市令革弊政伏豪強遷大興推官能弭盜時嚴火禁有弁持石燧搗貧役衷以帛送勘彛曰帛也役烏有庶得弁子衣帛同誣雲調岳陽令洪

臨晉縣志

人物

卷四

十

趙二邑爭渠久而無成秉彛攝理民礮石紀其事擢右三部司正令史折獄多平反時夏人以賜馬買物歲為常彛曰非體也禁之卒贈朝請大夫爵以男子邦憲邦寧皆仕

陳仲謙字受卿愷之昆孫揮之後也父堯基天德進士為國子監丞仲謙生而穎異少受賦學於其父娘娘同輩中稱者謂其得子雲之似適家難未能卒業以父蔭繫供奉班四歷權酷自以不得行其志鬱鬱為莞庫士時欲輕去遠引為高貞祐擄兵棄還鄉里南渡河愛永寧山水之勝將終身焉時方多難士皆避蕙踰兩季不赴選調者則有重譴不得已謁選金門朝議以仲謙有心計乃授三白渠規措使方仲謙

臨晉縣志

人物

卷四

十一

少時置家事不問米蓋簿書開目不願視乃自歷權酷後以課最授管勾復以起補授規措所司皆錙銖尋丈輕重長短之數用違其材自昔如此可勝嘆哉仲謙之為規措也憤渠堰墊淤監卒以空籍糜廩食行視塞門蘆去奸弊以淪以疏公私皆賴其利豈所謂大事不模糊者耶俄以薦剡辟京城監支納仲謙曰此非吾所勝也意鞅鞅不自適乃移疾歸歸時則與高人韻士如賈損之薛曼卿輩日相來往飲酒懽

十賦詩自述以為笑集洛西盛集此一時也仲謙天

性冲和遇朋交不動聲色如氣息奄奄人而材技絕倫簞簞自飭在三白時業戶餽萊茹必却之工隸草得魏晉人遺意至於陰陽星緯方技之學靡不淹貫晚學華嚴經浸淫佛老盖生平浮雲世事故流弊至此其爵秩封贈年齒世系有元好問之墓誌在其子孫實之仲謙長子賡以明經歷官叅議次子庾平陽路提舉學校五子膺以明經拜東平路勸農使皆能持平裁耽典籍有其父風賡瘦尤長於詩大同教授房祺纂河汾諸老集二子皆入選膺子元凱以明經

臨晉縣志

人物

卷四

三

歷官浙東廉訪使性英毅以名節自砥事親亦以孝聞仲謙裔孫有陳榮祖者明洪武舉人歷四令守官以法權豪不可干以私在濟源為宦室所搆幾危卒以治行得免榮祖之官騎黑驢行比免官復騎驢歸世稱黑驢陳家夫陳氏以文學世其家可稱者多矣而世俗好為新奇纖俚語競相傳播此不知大雅也

張繼祖傳

張繼祖金舉進士第一官至保靜軍節度觀察副使嗣世無顯者尚有年有幹於茲五百載無廢祀庠生張曰珠以文采受知於予不忘其祖請傳予問之曰爾祖有事行可考乎曰無有文藝可徵乎曰無然則曷傳曰生之族譜載繼祖父子皆死於義蓋金元兵革之際不恤其身以赴難迄今人無知者予曰卓矣哉斯足以傳矣而臨之艷稱繼祖者類以科第官階轉相稱述絕不言其死義事噫科第官階之見重此臨晉縣志

人物

卷四

十三

義之所以不著也

謝天吉傳

陟 延祉 子公

欽命 敦懿

化鯉 敦臨

延祐 功肅附

延馨

元昭勇大將軍鎮邊元帥謝天吉字鍾祥曾執蒲政  
蒲人德之每入覲朝廷賜金甲彤弓良馬貂裘銀笏  
謂其鎮撫有功不負國家委托當金之末造氛惡四  
起民皆逃難河南轉死勞罷不有家室天吉招流亡  
奠田宅歸而從之者數千人曰謝帥仁也歲凶人相  
食多為之方以時軫恤民得更生及往河朔編流民  
入版籍各隸其里是時羣帥肆虐罔念化離有歸則  
執麾下廝僕事終身不得托天吉獨否故歸他酋長  
臨晉縣志

人物

卷四

十四

者皆曰吾不幸不歸謝帥也初遭上官徵發民幾禍  
以熸吉悽然曰民憊矣我何以家為乃盡輸其器用  
財賄於官民無恙不數年又括黃金百餘笏悉索不  
能供吉曰計無復之有死而已乃猗自救於河使家  
人逆精而返吏民夾道墻觀兒童婦女皆泣下哀聲  
動遠邇於是括金之令得息嗚呼河中當關河戎馬  
之衝春秋秦漢之戰場於今在在可指每雲陰晝晦  
雨過風淒天地為愁鬼神掩泣不謂運厄金元征繕  
兵戈之慘乃數倍於古也當天吉祥死時府僚故吏

無所倚藉或曰帥猶在向之死偽也或曰吾向見其殞其從者號哭擗踊似有喪氛者或曰謝帥慕之爰也緊從者亦悲謝帥悲民之心而悲且哭也於是相謂於所隱流涕崩首請復視事吉故心愛人不忍違衆請漫應之衆皆喜然而元政日弛民生日感吉亦無可如何乃一混於酒頽然自放晚年酣飲萬固精舍歸卒於家麻貽溪為之銘曰始以武起而得其位而曰得之其難其致千年一靈萬古一驚孰云一醉而不可醒子陟能克家知保德州事厥後子姓熾滅

臨晉縣志

人物

卷四

五

為臨巨室謂非昭勇將軍恤民之餘慶哉太學生誥者陟之裔也出米為廩以食餓者子欽命亦有之詩曰無念爾祖聿脩厥德其是之謂乎

化鯉欽命從子為榆林衛教授逆閻渡河柳化楠受偽職為令括餉三千金鯉率其子延祐延馨延祉逃匿延祐妻歸寧邏者獲之延祐曰我父子兄弟無恙婦人姑置之矣延馨奮然曰吾輩生而嫂死不覩顏人世間耶奔而爭於化楠囚之訴於守道竟免餉全嫂延馨孫名子公庠生能詩字說者謂其宗謂南松

雪

敦懿欽命元孫以進士令玉山玉山有頑民負嶠而  
堅抗賊後敦懿采入其阻擒渠魁衆降繼補臨湘令  
賊孽李來亨郝搖旗盤踞竹屋西山甚熾時以民供  
軍臨湘徵米豆五百石丁夫如其數戰艦二十艘上  
官馳羽檄期三日集敦懿有心計咄嗟而辦當事以  
為能然迫已甚矣繞城鼓譟者累千人敦懿登陴揚  
言曰呼叛夫衆曰不敢叛惟欲白苦狀丐恤焉否則  
勢不能活耳敦懿慰戒之曰爾有衆冒寒暑輓芻芟

臨晉縣志

人物

卷四

十六

予翼以于予哀矜爾朝廷其高賚爾爾心未愛爾惟  
自鞠自苦衆乃悅解樊軍功推主事未擢以勞卒年  
同顏短而已弟敦臨少聰悟不好弄親詩書以進士  
令武陵厭簿書鞅掌解綬歸以詩文自娛談嬉無異  
平人名其軒曰兩知義取知足不辱知止不殆或曰  
鑒其兄之勞疾云

功肅登賢書有文采諱任恤之義里人德之

論曰謝氏自元迄今垂五百年人謂其以仕顯而  
有隱德焉在今後嗣數祖典請傳予曰有績而

古也謬次第節存之他繁博者請以持其世

臨晉縣志

人物

卷四

七



明監察御史郭祥傳

予讀明史至永樂革建文年號未嘗不歎其甚也方黃鐵練諸臣戮其身復逮其屬籍益甚矣然更有甚者凡伏節守義之士身死而褒卹及之否則親舊知交得頌揚之惟成祖時衆懾於瓜蔓之慘箝口不敢為効死者一言迨神宗垂二百年始哀錄焉然什不及一矣明御史郭祥効節建文者也名既不能登正史邑乘所載科名爵秩之外無他毋乃當日諱言易代亦冥冥耶予纂舊乘周度前賢祥之族姓獻狀亦

臨晉縣志

人物

卷四

六

粗述其立朝嚴正不阿効節建文而已嗚呼人臣以義死祇爭沒世名耳乃記載闕如後嗣並不能詳其顛末遂使孤忠亮節腐草同靡天道如斯恨曷有極然義久而顯名聞而彰郭御史者行事不槩見大節炳矣春秋之義常事不書古之良史於人之千百事僅書其一二以蔽之而如見其人狀祥者一二事耳能使人望古長號仰止沅潛不自已忠義之感人若此哉

予不知郭御史之所以死既悲之予知姚僉事之所  
以死則又悲之僉事名昌祚字仍藉天啟辛卯舉人  
饒膂力善鎗法屢上春官不第崇禎時令新野調泌  
陽張猷忠掠鄖襄南汝間疊破堅城左良玉次南陽  
敗之於山西猷忠走合羅汝才兵攻下信陽獲左軍  
旗幟假之倍日併行夜款泌陽城昌祚素設脩賊突  
至守陴者靡祚乃搏戰而前手刃數十人被創仆昇  
至北城閉目喘息語不能任其聲猷忠勞之曰姚大

臨晉縣志

人物

卷四

十九

爺今日好降我未祚聞賊語以指啟皆目光如炬併  
足搶地欲跣其面唾曰賊子賊子我死則死耳肯向  
狗彘求活耶賊殺之子在紳姪在鈞從死事聞贈河  
南按察僉事蔭一子在寧官生賜祭葬嗚呼昔猷忠  
由中原轉寇楚蜀間常數十騎薄城下守令率僚佐  
開門匍匐迎道左愚民震慄喪氣百千羅跪賊次第  
呼而戮之有土者忍辱偷生若此國勢尚可支哉說  
者謂懷宗性疑而愎不用忠質之言以嗣昌敗事故  
至此然吾見傭工村嫗受主人值趨事主人或悞第

之退有怨言及其家棟宇傾主人壓雖勢不能救未  
有不呼號而振蹕者昌祚無一旅師奮不顧身持寸  
鉄為國家洩忿今百餘年凜然猶生彼傭工村嫗之  
不若者誠何物也

臨晉縣志

人物

卷四

二



臨晉縣志

卷四

人物

卷四

樊珪元大都提舉母思之喪明珪聞跽曰不子何官告歸舐母目七日明

楊應薦諸生也偉姿貌驍悍獨矜天啟時寇蔓授筆習弓矢授平陽指揮闖攻陝薦請往權都司督兵揚徽而前自得也揮劍入敵多斬獲逢黃賊作陟水營都司計敵賊賊北

論曰樊珪孝不宦衰肫肫至性應薦多武功亦志於忠者

臨晉縣志

人物

卷四

五

王焯傳

王焯篤同氣室以內薰然成和由進士為湖口令有徐元長夏廷資將枉死雪之卒官時語喃喃呼弟不輟弟家居是日晏修心悖顧影自思悲愴涕泣不知所云衆怪之逾月焯訃至友愛之以精相召若此論曰人紀之衰也薄兄弟矣能無間於妻子貨財而終恩義者蓋寡焯固足以風哉

王光宇傳

王光宇以進士令博興擢刑部主事雪山東寬獄抗  
論武定侯郭勛洊歷郎中督甘肅餉有劉驛丞坐事  
被繫鬻女光宇贖歸以金佐之時寇突蘭境裨將兇  
懼光宇以兵不先定不可以勝敵密召千夫長二指  
揮二授之曰塩塲會安有二堡焉一東一西我夾道  
而伏以批其亢彼寡則擊焉彼西則擊東賊可翹足  
潰也潰必由狼山險隘我於高阜填鼓立幟虛揭  
而恫疑之賊必狼顧吾引勁卒蹂之必獲其重賊至  
臨晉縣志

卷四

三

中伏獲無算裨將警撫臣以敵虜功擢陝西按察  
僉事分巡隴右飭兵備著威靈民馬希真爭產  
殺妾謀死弟賂買直宇誣之罷



荊州土荆養喬列傳

兩植  
楫位

爾  
如代

祚  
為權

附

荆世多慷慨直節孝弟文章之士其衍慶也始自中  
丞州土州土終河南巡撫曾上疏請寬逋賦民德之  
夫明自嘉靖有清丈之詔凡河濱山麓尺地寸壤無  
不有賦萬歷一條鞭法行益瀆擾煩苛故逋逃半天  
下使當日封疆大吏合詞諫阻一切賦役之增益者  
皆寢不行民其庶有瘳乎然而萬歷之敝非特賦稅  
已也礦稅尤甚聞河南有開礦之令州土愀然疏將  
上而卒設此疏竟上神宗或悟而止否則以此獲罪

臨晉縣志

人物

卷四

二

而諫草長留徽遺國史豈不日月爭光哉州土性穎  
異授書襁褓中應聲不倦為諸生力於古厥科舉學  
見坊肆鬻本火之為文匠心獨運可日試萬言整儀  
容舉止不失尺寸人謂其有博陸風然與人無町畦  
雖工商與隸野夫牧豎待之無疾言遽色初州土以  
進士觀政司馬克勤無怠令臨胸易田疇以集流亡  
入拜御史每坐梧下讀名臣奏議時有激發按於吳  
吳以霍沴薦飢為發倉廩吳人感其惠唐文獻為之

志名備詳其事文獻者吳人也

荆卷喬州主子也峭厲不能容物以進士授行人  
尚書楊博所重封肅藩部饋尋拜御史按江南宣城  
豪戶梅振祚匿人妻賂以買直夫訴之郡坐誣諸生  
尚永縉等訟之督學熊廷弼蔽罪永縉養喬按寧國  
其振祚於理廷弼固有爭氣者也養喬亦悻直凶怒  
劾廷弼黨獄專殺請正刑書未及勘養喬歸都御史  
孫瑋劾其擅去非法至今以振祚事為疑獄焉夫明  
之衰也非特衰碎不兩立即正人亦各以意氣自豪  
互訕而不覺其言之過養喬廷弼之事其一端矣養

臨晉縣志

人物

卷四

五

喬歸後牢關固距以古自娛每讀史至賢奸用舍之  
際猶復切齒怒罵似欲與古人爭者昔邑志簡直自  
喜多諷戒寡贊譽目空並世人於同事貴游無私布  
遇族戚落落然也相知者邀飲敦迫之使靡至置不  
問僮僕伺候者使勿內近則叱之然性能持廉故人  
有不愛錢荆御史之稱天崇間召用皆不就曰吾知  
其入而不能出也故人又謂之癡御史

荆爾植養喬子以進士歷官主事初令滕縣時劇賊

張鳳翼剽劫鄉里植捕之逮問賊睥目昂首磨牙厲

吻而前若負固者然鞠之則巡道朱大典旗牌吏也  
植怒曰巡道旗牌吏可賊乎批之撻之械送大典人  
曰此非事上禮也植曰此所以為禮也守法之謂禮  
且吾奉法於上使上得肅其左右其事之不亦謹乎  
舊志謂大典誣劾爾植子考明史大典屢  
立戰功闔門死節君子也恐未必如此

荆爾挺養喬次子邑諸生強立有才實如其父風成  
介慙之來臨也悄悄慘慘瘡痍瘦瘦親故知交鮮過  
而問者挺兄弟與介慙舊相識奮然曰士有遇忠臣  
義士當旅瑣流離而不為之所者非夫也况久要夙  
臨晉縣志

人物

卷四

三

契之人當患難而不致吾情烏乎致吾情若觸時忌  
遭同禍不恤矣於是為舍於所親楊氏叙舊禮新定  
館授餐遺芻米具衣屨幄幕器用皆周謂介慙曰我  
在此敢勤子至於他人乎介慙遂以淹每與介慙談  
論輒忘寢食其所談大抵皆古今大義及時事之不  
當意者迨介慙起官以甲申殉難挺聞而大慟輒以  
詩其詞悲壯淋漓不可卒讀遂乃無意人間赴宣聖  
廟仰首長號投儒冠於地佯狂馳藥間湫瘞死

荆祚永州土孫成喬子崇禎進士歷三令在容雲有

守城功授禮科給事中終戶科都給事中時閹黨唐  
世濟夤緣起用祚永疏曰濟變需才衡才先品未有  
與論不齒斧鉞必加如逆等諸人尚能為國家脩緩  
急者上善其言而止方懷宗時敵鋒四出鎮將皆嬰  
城相望有延敵者有避敵者有縱敵者有借敵以自  
重者晉之封疆由平遠而朔由朔而代由代而忻所  
至如入無人之境二鎮王朴尤宏勲木偶人也敵至  
縮頸股栗而已祚永有勳於中指而劾之帝意雖不  
開悟而邊帥皆警君子曰祚永古之遺直也子為楫  
臨晉縣志

人物

卷四

二十七

邑庠生授中書能振窮乏孫位邑庠生能歸遺金曾  
孫如岱膺鄉薦有學行為權者祚永從子也亦以敦  
厚著聞鄉里

論曰荆氏膺選舉而登貴仕有名於當時者數世  
矣今雖稍替彬彬文學者不鮮焉庶幾溯源極其  
高曾而有所興起乎

姚維新姚昌錄列傳

姚維新以舉人為廣宗令擢深州守民祠祀之廣宗近畿虛邑也有地曰潘城瘠而窪汙萊久矣維新集無業氓謂曰斯石田也歟哉吾將沃行之乃授之畝為之田舍廬廡給之犂耒錢趙不數年而窪者隆瘠者腴深州濱滹沱漲噬城址維新隄障之民保於城歌其功予續賡曰姚官庄廣宗有姚官庄之稱姚公隄所芟憇無斃之

姚昌錄維新子也以進士歷官吏部郎有同年友以

臨晉縣志

人物

卷四

三

金私面營州守却之曰子才矣無不可以收胡不令名之立而以賄也且吾與子友久矣胡賄以成之玩法以欺其君亦非吾與子之所出也典陝西試時序試錄必諛璫璫曰臣子歸羨君父義也此何為哉遷南都部郎與文士結社鷄鳴牛首山江峯雲樹曠然通懷有優游卒歲之意建陽兵臨使疾不起

李棲鳳李棲鵬列傳

世振

世惠

越附

李棲鳳萬歷進士初赴省試經曲沃有父老延至家  
言此地累鹽法公得志毋忘也後棲鳳在樞曹白當  
事除之令三原游擢神木道甃城堡繕烽燧任良物  
官堅明約束走西彞十萬衆斬五百級省賞彞錢三  
十萬緡再補懷隆副使彞人以增賞未允不修職貢  
略邊棲鳳蒞任宣布威靈乞炭悔罪詔授叅政台吉  
奔告宣撫軍曰我等看守邊疆為李爺好今去則無  
心効力矣撫使奏聞以新銜任舊職旋擢楚撫時魏  
臨晉縣志

人物

卷四

二十九

璫造生祠所在承風棲鳳不為也

李棲鵬鳳弟也以明經將除令鳳曰子年方富而在  
下位辱盍姑待之對曰國家多難鵬也願出而圖君  
窮年事筆硯雖大男子裁如嬰兒非志也遂受井陘  
令率其民聯伍團練助官軍聲勢績稱懋焉僅移慶  
陽同知爭時者叱其遇而鵬不為意甲申國變閉關  
高卧曰吾老矣使後嗣得君而仕身自附於聖世之  
巢由不亦可乎

李世振棲鳳次子授光祿署丞逆闖度河榜笞緡紳

輸餉振無可輸炮烙備至面額焦爛膝筋骨盡脫或  
諷以兄弟衆何獨自苦振泣曰吾已氣息奄奄登鬼  
錄矣累諸弟何為語在縉紳間嘆死者之義也

李世惠棲鳳六子以進士授泌陽令遷安吉知州性  
喜狎侮貴人每出嫚語相訾警有良馬郡守索之不  
與有謂者曰此亦無幾求郡守不可偷也盍與焉因  
賦塞翁失馬以自遣守聞而怒尋以聘烏程姚女劾  
職姚非部民蓋枉也惠好詞賦宦遊不廢吟咏歸則  
裒集圖書不屑事家人產索券盈門意自若也有詩

臨晉縣志

人物

卷四

三十一

一卷曰隣園集浸淫六朝風韻與晚唐近  
李越康熙舉人歷三令宰東湖時有誥盜功遇駁案  
力爭之長官不能奪也擢萬州牧以老歸

論曰棲鳳之撫鼻也德威並用有古節度風鵬脩  
儲繕兵以濟國家之變臣人者不當如是耶世振  
篤志友愛世惠潛心風雅以質以文皆不愧大家

執範云

樊文煥韓故泰列傳

樊文煥萬歷舉人授商南令邑蕞爾寡居人時流寇猖獗以洄鄉兵四百居守堵一夫晝未已賊至給曰乞糧乃欲城也文煥曰岌矣今日之事有死命而無二心衆諾擗然登城以石擊賊賊腦裂石盡饒砌石以脩擊戶號人厲童婦皆協是時煥以羸弱儒生提什伯克懼之兵疲憊之民當悍賊萬衆猝至之鋒欲守社稷而保首領難已乃口夕捍禦不以罷休就舍音嗥手拮雖鐵敵莫能捫焉一人奮呼餘衆效死王

臨晉縣志

人物

卷四

三

事適我夫復何辭於是賊勢崩解走豫難歇而煥疾矣旋里闕渡河共縉紳輸餉知其貧叩擊石恨願得而甘心焉屠腸狀眼歸死於官慟哉

韓啟泰崇禎進士授行人典賅試推刑部主事生而癯削甘素淡以乞養歸甲甲之變移山中與世長辭義不返顧建文禮書合訓子弟獎鄉秀門徑蕭條長懷無已過其廬者不知為先朝遺老也无咎无譽其在斯人乎

王鼎新楊教列傳

王鼎新萬歷進士歷邢臺清苑令進主事京察歸嗣朝議以在籍不赴選者有罰謫判淮南委益事商有輸罪錢累萬吏白之新曰非其有而取之盜也乃給商尋內遷使備兵津門督餉無乏簡舟兵緝洋盜以勞卒官中丞哭曰失吾指臂

楊教萬歷舉人為順義令歲饑招撫有方擢知昌平州自守嚴豪強屏息裁冗費慎邊防治稱卓昌平州志云

臨晉縣志

人物

卷四

三十一

呂雲藻傳

呂雲藻能書畫有孟頫風崇禎癸未進士授章邱令甲申鼎革以考績擢禮部主事乙酉充河南典試官歷員外郎中提督陝西學政攝理布按兩司事

王恭先傳

余少耽書籍赴金陵省試必舍於書肆以恣所取常致重負家有書室古槐蔭之顏曰綠槐書室登第後奔走於令今十五年矣每當風塵鞅掌時憶當年攤書雜誦抗跡古先意惘如也辛卯調臨晉俗重利而少書西郭王氏家多藏帙庭木交蔭皆浸浸有卷軸氣予時至低徊流連恍然入夢曰此非吾綠槐書室耶問書所從來主人曰此先君子令崇明時購自金陵書肆者也俸錢盡於此矣噫予與崇明君上下數

臨晉縣志

人物

卷四

三

十年耳設使並世而生皆贍於財於金陵巧相位相與罄青藜二酉之藏披檢校讐多文為富其樂何如哉崇明君名恭先以進士得河間推官改令聞以循著不久宦而歸耐嬉林泉大肆其力於詩古所著有慕適軒集慕適者慕高適之晚年為詩也予陳其集於大吏將脩國史之排纂又讀恭先所為臨晉志上自星野山川以及蟲魚草木之細靡不殫心考究條晰原委使其直推而前躡庭以造其室歐曾豈遠哉抑又思恭先究心三古有博物稱宜搗華苑直史館

總辭絕代以躡石渠天祿之踪奈何鬱鬱一令徒使  
龍文虎脊倥偬於簿書敲朴間此遇之窮抑文之阨  
也然恭先少無宦情老猶嗜學優游枕漱得以寄其  
富貴浮雲之想騷人發憤之情故到今臨子弟猶膾  
炙其文不置窮而後工安知非天之所以成其志耶  
藏之名山傳之其人予神往矣因傳及之慨然不知  
悲喜之無從也



謝陳常姚潛列傳

謝陳常文人也臨之鄉邑學者迄今稱為謝先生少讀書肆力於古曰浮詞倖售如傭販飾物欺人耳甲子鄉舉第三人帖書有體要百年来傳誦之以進士改編修充明史纂修官多所記注典粵東試拔其尤居鄉立社學獎掖佳士汲汲如有負慨自俗無承學剽剽相沿甚至文義違反不自覺才難不其然乎予作邑志欲商名例敷陳疑滯臨之士君子如有遐心宜流連喟想於先生也

臨晉縣志

人物

卷四

三五

姚潛陳常高弟也能守師說以進士授主事歷負外郎為制藝卒近顯易無蒙俗氣近世臨邑言文章者以謝姚為最姚後代尤塞艱學而宦者不能歸櫬子孫猶以詩書世其家語曰絜瓶之智不失守詈姚氏有焉

姚可棟傳

姚可棟者今所謂雲南縣尹身負官錢以死後嗣瑣尾流離不能以其殖依其先人邱墓者也可棟為潛之子潛以耿介廉潔為世所稱故歷任部曹家無尺椽寸土棟之赴滇也負書擔囊鮮童僕資斧之供性長者不能營其橐身死則如喪海壑矣予為申其狀於上乞貸官錢而其兄弟子姓猶以楸枿無歸為子淨泣道之嗚呼悲已

論曰皇天無親常與善人姚氏自啟英祖潛之能恤

臨晉縣志

人物

卷四

三

其里散財給粟者三十年子完錫潛遇盜火其室

不能害

完錫少時遇仇引盜火其居倉卒從後門出門經年封高甚固引手輒洞開得避去

鄉里驚以為神

人以為積善所致矣然可棟又何其式微

耶意者天道可知不可知耶

焦端張維鼎列傳

由明迄今臨之筮仕者衆矣張達名在鄉賢今不知其何以祀予心悵焉讀醴泉志知焦端之為令也朴寔中運警敏之才溫純中布嚴毅之政舊志缺如義當補之張維鼎令岐山以果毅為民所服退歸克謹於鄉予亦嘗聞之矣其他沉沒而不彰者豈少也哉論曰人之傳與不傳或有數存於其間予於臨之賢士大夫既依往志傳之如張繼祖郭祥及焦端皆前人之傳所未及竊以為備矣及過郭御史祠見有碣存焉稱祥之元孫憲居官清廉仁恕以忠得祀而亦未詳其所以姚炯深於文學其著作不槩見予今之補前人猶願後之人有以補予也

臨晉縣志

人物

卷四

三

申明王錫光列傳

劉煥高

張所聚

荆樹晉

郭復蘓

申明金人性勇敢傭事母躋捷能行棘中有盜殺母  
明野卧夢母曰吾死盜矣道東南可追也亟返則母  
尸勳奮呼衆逐道渴明日前井衆前乃無井盜逸明  
眦裂臂張口吃足踊擗胃四顧殫死

王錫光明庠生以孝旌父育舐之瞭母病不廁光自  
潔私糞日夕不脫帶後有劉煥高貧鰥事育母張所  
聚事繼母荆樹晉事父侍疾皆與錫光類郭復蘓嘗  
糞省親濟親喪歿而瞽尤孝之可矜者也

臨晉縣志

人物

卷四

三六

胡養熊樊九教列傳

胡溫

荆德志

張永陞

郭大招附

胡養熊父嗜魚養熊遠購焉忽心悸亟歸父疾矣翼  
日瘳孝所感也為母藥藥焚目諱於母似無恙者  
又有胡溫荆德志張永陞皆孝子鄉人口之

樊九教明人母病羣禱判其股愈母今有郭大招亦  
為此夫夷股為孝於禮未聞而無庸苛論蓋行必稽  
其所敝俗之衰孝者罕矣而或過之無慮其滋之敝  
也

劉養德李世昌列傳

劉養德性孝歲稔負母就食於豫賊刃之刃折賊駭母呼曰殺孝子乎賊悔賙之

李世昌避賊賊執其父世昌以首觸地血被面乞代賊曰孝子也忍殺諸遺以金問何人曰庠生也

論曰二人免死得金孝所感也賊至黠悍不忍傷夫何憚而不為孝子哉

臨晉縣志

人物

卷四

三九

胡潭胡訖列傳

李復唐

韓啟芳附

胡潭胡訖明之委巷人也失怙兄弟廬墓三年同氣益篤今有李復唐亦以廬墓聞而韓啟芳孺子養親終喪獨寢人並稱之

論曰事亡如存禮也得之愚賤野而合諸禮矣

麻革李純夫王桂列傳

金麻革秉彛孫號貽溪子貴胄也樂恬淡務實行善  
屬書離辭學修聞著而閉戶絕交遊殆以自隱無名  
為務者歟房祺編河汾諸老詩先革其於詩遠已  
李純夫元人幼登進士棄官隱王官谷於貽溪構了  
了菴與至躡跌墟莽間搜蒔玩景待暝而歸否則深  
居一室冥然嗒然或欲與緣徃徃無從迹之谷有白  
雲洞因自號孤雲子浮雲富貴斯人非耶或曰純夫  
明鍊師術雲遊士也

臨晉縣志

人物

卷四

單

王桂值秦晉荒徙南陽依其族以冑籍法阻應試當  
事欲為援桂由避之遂歸聚徒講貫有燕說多創解  
初桂與平陽曹以成讀書穰城歸訪之曹沒畧莫瘞  
傷為樹於兆域且碣誌之噫懸劍之風逸矣

論曰自功利漸於人心其父凡師友皆以為人應  
爾爾舍此而甘隱沒惟學與道之謀則怪之麻革  
諸人功名不懼於時文章不宜於衆而孤芳獨抱  
有取爾焉

房居士傳

世傳張果隱中條山往來汾晉間多神仙怪誕之事  
噫嘻豈信然耶或曰果不赴則天召佯死意亦高人  
隱士托於神仙之術以逃名避世者歟明初有房居  
士者亦遯跡中條操行勤苦于肅愍撫山西訪以吉  
凶事不答于去謂弟子曰此公不善其終是可謂先  
見者矣說者遂以神仙之說當之夫肅愍以介直之  
性當正統多難之時其不能保其身不必待神仙而  
始知也智士潔身遠逝每以步虛絕粒愚人千百載  
臨晉縣志

人物

卷四

望

皆傳而信之嗚呼子房曼倩豈真神仙也哉

王畏佐謝廷輔列傳 王福壽以下九人附

庠生王畏佐兵備使鼎新父也帛冠芒鞋襖衣褊帶性嗜施為人納逋賦折券棄責嚴冬有負索俟於門者佐問之橐何也曰粟也粟何也曰易衣飢乎曰飢何棄粟也曰列曰子今粟易衣頃之衣易粟矣吾何忍哉衣衣反粟

謝廷輔明人得遺金累百俟於道永夜旦復往視有騎者奔而號輔曰此豈遺金者耶止宿予之其人曰我卻陽王德為主人營事今夕惡事儻願半酌子輔

臨晉縣志

人物

卷四

四三

曰吾辭多而受少恩也曰我將謂諸官以表之輔曰吾舍利而攘名偽也德拜於其門終身通好德亦良哉

王福壽明季人盜空其室有籍名而告之者曰使民起而為盜吾猶幸以全邊恤其他

王光宙萬曆庠生時大疫札瘥天昏相籍宙設旗亭於市藥不取值得湯熨者屢不死

庠生王本厚與人坦夷康樂貧約孤寡者給以粟張天佑樊克正樊孝榮樊倫似之

王第倫恭先之孫湘綠之子湘綠學承先業第倫繼  
之更以節儉謹厚教其子孫予舉行鄉飲賓第倫邑  
人可之王開有操行庠彥多出其門予所延為介賓  
者也

臨晉縣志

人物

卷四

四



世也

八百五十四年正月...

...

...

王福王寅列傳

王福王寅明之屯隸也寔甚值崇禎兵荒掘池為深  
塹跌焉或以糜舖之不受遂兄弟偕死噫嗟來之賜  
謝也可食匹夫之經聖人弗取然以視世之非為身  
死而甘心於嗜蹴之萬鍾者則二子之死未可厚非  
矣詩曰逢此百罹尚寐無吣

臨晉縣志

人物

卷四

四

王賜級張茂天列傳

王賜級生員王以簡之曾王父也以簡來謁予稱賜  
級為貧人焚券數百拾遺金歸其主詢之里老亦云  
然

張茂天俠勇善射將市於充安邑李友梅率十餘人  
裹千金遇盜茂天攘臂而前挾弓搢矢盜注視則聞  
矣盜遂則又闕矣曰得金者死吾矢盜棄而逸梅亦  
酌之茂天曰盜之盜子歟我之盜盜也奚可哉或曰

充安邑人其行事類屠古者

王世隆閔永和荆文貞列傳

王世隆兄弟服賈於豫歲大祲鄉人來逃者底滯不能歸遺以金閔永和阻飢賙其里荆文貞給貧交趙地二十畝又於一柱峯置地五畝濟行人渴飲

論曰俗之重利也錐刀必盡爭之富者貸貧毫未之息不少損故終訟予於輕財祇行者雖小必錄願蚩蚩者一雪此風也

臨晉縣志

人物

卷四

四十五

傅大學傳

予於迎送往來至樊橋驛時憇文昌祠問所修曰邑令傅克欽也問誰與共曰監生傅聖傳也

字聖傳名大學

乃

詢其平素里人曰聖傳每遇歉歲出粟貸貧人人曰賑也非貸也

聖傳不責償故人以為賑

將為上壽聖傳曰傷爾財

歟市我惠歟不可凡邑之事有益於官與民當與復者聖傳必先之傅克欽臨人所稱良有司也謂聖傳有國士風

張大經傳 楊喬南附

張大經少學於猗氏郭九齡齡固有學行經既貢鄉年將老矣執弟子禮無間齡死齊衰徃哭之哀今有楊喬南王桂弟子也桂死鮮克家子平生多著作喬南什襲之有葵書喬請脩館閣選予詢之在庠諸生皆曰喬南長者

論曰師弟為人倫之大記云心喪三年因其恩為隆殺非無服也孔子沒而門人任歸子貢築室豈曰非禮然必其師有不可倍者故倍之不忍否則躬自薄而厚責人乃曰天下無弟子哉

臨晉縣志

人物

卷四

四六

明兵部武庫司郎中成德傳

成德霍州人字元修號赤公崇禎辛未進士姚希孟所取士也與文震孟友善授磁陽令賊犯鳳陽焚陞雅撫楊一鵬匿秦吳振纓為巡按越三日奏德曰此何時耶何事耶通發憤上書其畧云奸輔私人遍天下故盜賊遍天下災異亦遍天下自逆璫結而王恭厯雷逆案翻而廬甲廩火曾幾何時而皇陵又見告矣此撫鳳陽者何應熊之師也此巡鳳陽者何體仁之姪也尚敢舞權弄法熒聖聽哉跪入體仁刺骨時

臨晉縣志

人物

卷四

四七

究守王國賓增餉德困爭溫黨禹好善按充賓讒之誣德貪虐逮入京磁陽人詣關訟寃德益抗疏詆溫廷杖下獄其母張偵溫出擲以磔溫故苛姪日思中之義順城破德父文桂曾為小吏死焉家盡沒德遣戍莊浪道樊橋訪舊識荆爾植爾棧畱數日去明年戍回僑寓臨植棧為館於所親楊氏著書講學從者甚衆每談忠孝大義輒豎髮揚眉鼓掌大呼曰諸生不當如是耶閱七年以唐北恒薦補如臯令旋拜

部主事晉郎中德見封疆多事人皆隱

疏以養節義明廉恥為要語甚激切詳明史闖賊犯  
闕失帝所在德趨午門見尚書張縉彥出於賊以首  
撞其胷痛詈之俄聞帝崩奔奠梓宮於東華門外茶  
棚下號慟失聲觸地流血賊環刃衷之不動歸而縊  
其母縊妹妾皆縊贈大理寺卿謚忠毅母贈淑人

國朝賜謚介愍

贊曰千古哉大義乎臣也胡貳諸談節義或虛  
而抗个嫉枕宿險而致遂何人斯公在茲索索蹇  
蹇屹不移哉矢狐鉅創駭抱烏號睽帝在指九天  
而正之迪溘死其焉悔性然夫斯其所以乃

臨晉縣志

人物

卷四

四六

志議

杜生曰自太史公作八書班固易以十志列代沿之尚矣今作邑志曷為名以篇予曰書志體裁大矣非敢僭也因思古自為子者類以篇名一家之私言也予竊取之矣

杜生曰篇分上下得毋擬漆園之著內外橫渠之銘東西乎予曰偶然耳

杜生曰上篇數十六下篇數十四得毋取月之望也羸則十六縮則十四乎予曰偶然耳

臨晉縣志

志議

李生曰序上下篇以次相及三十篇如一篇其擬序卦無疑也予曰凡吾所云云扈詞也鈴說也子何以是為拘拘也

星野吾不知也舊志云在參觜觴之次杜生曰二星之所暨者廣而臨僅百里槩屬之與全省何異度其尺寸當在參右足之微北因以杜生之議為篇

舊志疆域合虞鄉今以分縣後為篇李生曰允哉

涑水以南皆入虞境雖中條王官之勝山川篇皆不得載杜生曰山不在高川不在廣精以格之民之庇

也

臨稱大邑城徧而池淺李生曰保障也不可不志坊里篇舊載村數而已今以四德各依其方屬之李生曰何謂也予曰視吾篇

杜生曰臨無百物聚而市肆亦通有無予因志之志物產而愀然杜生曰材之生也不擇地何憾焉田賦丁徭篇成李生曰何為及明代哉予曰詳所由來使覽者悉其源流而寬恤之意油然而生矣杜生曰陸稼書之志靈壽也亦然

臨晉縣志

志議

他志或有畧倉庫者杜生曰此在官在民之要也予分為篇且詳焉

李生曰廨署僅志庭濫無謂也恤民與事於是乎在予體此以為志

學校近修之即以近事為篇李生曰風教所倡徃事可逸乎予曰詳藝文雜記

李生曰水利見府志藝文雜記載之甚詳何以復為篇乎予曰今昔異形也

驛傳篇成幾萬言李生曰斯篇載民累悉矣杜生曰

得毋已甚乎節之

有驛復有舖驛遞以馬舖遞以兵相助也故篇相屬  
風俗載冠婚喪祭士農工賈歲時節令飲食衣服杜  
生曰備矣

李生曰禮儀不可勝載曷為篇予曰舉一邑之要

李生曰秩祀徒載通用儀章直抄胥耳予做古妄為  
為杜生評曰此集中之最也尚書鈔臺文法無具予  
曰子言過矣

羣祀辨神人畧佛老杜生曰

臨晉縣志

志議

三

令尹師儒丞尉皆彙舉其名其賢者別為傳此志之  
通例也

志武弁並詳武備杜生以為宜

選舉封蔭記姓氏例視令尹師儒篇

杜生見古蹟篇以古鑒之說為不誣李生曰流連風  
景誠何謂哉舊志有八景今當畧之

唐以平陽為晉州子沿革篇謂臨晉者臨此而已杜  
生曰唐都京兆蒲為次畿地晉州於地屬望以次畿  
臨望勢也第河東河西二赤地處河身仰視峨眉不

元臨義惟桑泉為自西而東高阜第一處上承畿輔以臨晉州於義最顯予曰吾有說載雜記矣得子說而更備

李生謂災祥為何以簡予曰天道遠

杜生悉臨晉方音讀予篇曰未盡也予於雜記補之舊志稱名宦予仍之李生曰古無此稱也易以職官可乎質之杜生曰夫夫是也

李生曰職官列傳斷自明何也予曰金元以前吾不得而悉其人也故不得而傳也

臨晉縣志

志議

四

李生曰職官有詳有畧何也予曰無足異也舉一事而其人之精神見舉數事而其人之精神見古循吏傳可考也或有名甚美而事無據者不敢附會增益蓋言慎也

李生曰列傳叙事雜議論非體也予曰五代史非雜議論者乎李生曰五代史雜議論方望溪嘗譏之矣予曰望溪我鄉先輩也深於經學而論史或泥子試取其集觀之所傳人物清潔平近少沉鬱頓宕之致以其不肯雜議論也杜生曰傳之有議論古矣適猗

氏郭生帶准至為文以辨之其詞曰原夫列傳體式  
昉於卹明偶有發論假托君子蓋論所以辨疑感釋  
疑滯若愚智共了無俟商確叙事有之論斷不必此  
外公穀之云公羊子穀梁子也史記之云太史公也  
與夫班固之贊荀悅之論東觀之序謝承之詮陳壽  
之評王隱之議何法盛之述楊雄之譔類於篇終論  
斷已平傳體然而採其善者事無重出省文可知如  
太史公曰張良貌如美婦人項羽重瞳豈舜苗裔  
此則別加他語以補傳文所無所謂事無重出也又

如班固贊曰萬石君之為父浣衣君子非之楊王孫  
稱孝賢於秦始皇遠矣此則片言如約而諸義甚備  
所謂省文可知也其他議論之作多錄傳語畧加文  
飾習為故套殆猶文士製碑序終而續以銘曰釋氏  
演法義盡而宣以偈言亦無貴如粉黛於壯夫服飾  
統於高士矣顧源流已遠必欲矯之反疑違例要而  
論之叙則為主斷則從畧說者曰太史公伯夷列傳  
其體可辨與曰此以論為傳是史遷得意之文正極  
其體之文也不可舉一而例餘也然則今志刻傳其

體可辨與曰往志山川坊里田賦與選舉職官等  
從無累九聚米演成連篇者是皆變體也傳亦何必  
不變也然則其體當屬秦與漢與抑近代唐宋與曰  
擬秦擬漢擬唐宋之體微論弗似也即刻意求似與  
人共生活亦不過古人舊機杼耳夫善學者師心不  
師道善畫者師物不師人滅灶背水之法踵而敗不  
若變而勝也世之為文者脚跟不定眼毛隨人惟恐  
不肖詡詡自謂古人復出此何異呼傳粉抹墨之奴  
隸而謂之蔡中郎也豈不悖哉

臨晉縣志

志議

六

李生曰他志分忠烈孝義文學寓賢今統謂之人物  
何也予曰凡此皆人物也視吾傳者無不可知其孰  
為忠烈孰為孝義孰為文學孰為寓賢也故無俟剖  
而析之也杜曰曰左史之傳人物也無依類別名之  
例李生曰何以近有此例也予曰俗例也

杜生曰傳人物次以時代可乎李生曰史記之管晏  
列傳老莊申韓列傳以事相屬者也蘓代之附蘓秦  
李陵之附李廣以兄弟子姓相屬者也故不必以時

代拘也予曰然

家元音兄謂節孝大矣何不入上下篇杜生亦疑之予曰事蹟著者入列傳矣無事蹟而往志存姓氏者錄雜記上得之近日傳聞俟異時採擇者錄雜記下記以補傳傳以補篇也

杜生曰人物列傳有異舊志府志者何也予曰古有云矣所見異辭所聞異辭所傳聞又異辭

李生曰列傳止贊董晉成德何也予曰以久重也李生曰司空圖范希朝不重乎予曰傳有參備以贊足之其美已盡於傳者傳即贊也其或有不必要贊者亦無庸我贊也

李生曰有論有不論者何也予曰意盡則止已未盡則論之

董晉事已詳於前人予為列傳時擱筆矣李生曰曷以昌黎行狀刪節成篇乎予曰有此體否李生曰在史記

李生曰焦端傳首張達房居士傳首張果何也予曰傳之有標冠也始於史記伯夷列傳之首由光也他若商山四皓事列王陽之首廬江毛義名在劉平之

上皆此列

杜生曰傳近時人有節取者予予曰簡杜生又曰未及傳之人有如所節取者予予曰蓋有之矣我未之悉也故無傳

杜生曰舊志有墓誌銘何為不載也予曰人物之可誌可銘者詳列傳矣

李生曰志之有雜記也如史之有雜傳乎予曰然

杜生曰雜記列舊志山川沿革等篇不似重出乎李生曰凡舊志所云云皆篇所未詳者非重出也不沒

臨晉縣志

志議

古人於斯為美

李生曰史邦直荊州土諸記胡不入藝文予曰凡此諸記皆直書其事固未嘗以文也胡節錄曰提其要

李生曰節孝有仍存舊志者有新增而彙記之者何也予曰未悉其人不取傳亦不敢佚故記之

杜生曰婚喪諸論皆採自近時何也李生曰古者大史採風非錄其近時者乎

藝文之志也或以地或以人擇其尤著者錄不能悉

得也

李生曰成介愍寓賢也何為志其文予曰此忠臣孝子泣血之篇也不可以佚今於臨得之即于臨志之李生曰藝文之志也皆有關於身心政治者也王慕適之史序李鄰園之詩序何為而志也予曰二子邑之文學也其文固不可沒也李生曰何為繫之篇末也予曰文藝末也

山川古蹟不載虞鄉而人物藝文備載者山川古蹟不虞其湮沒者也人物藝文則恐久而無徵虞尚無

臨晉縣志

志議

志也存之以備他日文獻之考

九

貞婦列傳叙

或曰陰德懷急女子不能故  
適也。不幸往。甘心於死。或  
曰太華西漢中條南峙乘  
地之氣獨厚。故女子能守陰  
禮。雖貧居賤。不苟貳也。

臨晉縣志

貞婦

叙

一

是二說者。理或然。然予括旧  
志及也。今所闕。婦注有終。雖  
更僕。亦因取事行。奇絕者  
標白之。其他則備姓氏於雜  
記。以俟異日之採。夫禮教。始  
於闈。坤之用。六利。永貞。陰

禮乎陽婦法之極也育風  
化之責者善可息乎哉

臨晉縣志



二

貞婦列傳目次

廬江王正茂纂著

受業太谷杜昌炎

陽城李誥

全訂

崔氏張氏列傳

附宋氏以下七人

胡氏李氏王氏列傳

高氏姚氏列傳

劉氏

曹氏

姚氏

附

趙氏孟氏張氏列傳

張氏楊氏列傳

吳氏高氏列傳

臨晉縣志

貞婦目次

卷五

一

閻氏樊氏周氏列傳

秦氏孟氏列傳

徐貞女傳

崔氏張氏列傳 附宋氏以下七人

魏崔氏金州刺史郭牙妻牙赴官有母氏家居卷  
牙歿氏曰姑老而獨矣我弗諱亡是我傷姑之心也  
歡事之姑盡年而不知歛殯虞祔皆慎然後死之  
明邵明紀妻張氏幼寡泣曰廣壙我他日祔壙成氏  
浴焉衣焉笄焉掃焉問者曰歸寧乎曰歸也俄死矣  
同舉董良德妻宋氏亦類此皆縊也

馬氏歸於衛大垣越歲夫亡娠焉子成童矣母憐其  
少且貧將奪志氏泣曰母憐我手而不以禮吾死而

臨晉縣志

貞婦

卷五

一

棄此子歟吾生而毀此節歟遂經

符氏字于鍾夫病革謂曰我死汝如何氏泣曰設子  
有不諱將死之以周事子夫曰有孤在撫諸鍾寬者  
其族之忍人也欲遣符誓言曰符將納夫以暴于氏  
聞曰我娶也而人有言何以明志恚殺聞於官寬伏  
罪

趙斯涵妻李氏于歸六月而寡謂其母曰兒死分也  
然舅姑老矣終養送所不即與夫同穴者有如日以  
從子嗣十八年舅姑逝除經之日縊母歿曰吾知有

是矣

余達道遠服賈溺妻孟氏為養其親殯而縊

王有援妻陳氏少艾而無育夫死將自殺偵之不果

乾隆戊辰饑以甘旨適舅姑而已咽糠覈夫弟婚氏

以孝勗娣婦口不絕聲若遺戒者旋自縊見者泣然

聞者慨然

孫永徽女者女也附於婦成其志也女字孟婚有期

矣孟卒女寤而號寐而泣志靡他色深墨語啞啞不

成聲謂其王母曰兒病矣一柳二椿間兒死所也問

臨晉縣志

貞婦

卷五

二

故曰夢遊此矣以慟七紵孟還其封夢協或疑之子  
曰曷疑志有之骨肉歸復於土者命也魂氣則無不  
之也無不知也

論曰生死之際難矣哉嘗讀明季所紀受偽命於

闖者類多文人學士錚錚當世者所為竊為之反

覆嘆也嗚呼薦紳先生其賢智豈出婦人女子下

哉原其初心不過憚於一死遂以沒世蒙羞然而

萬古同丘彭殤無異九原有知悔何及矣崔張諸

氏或殉而殲或憂而夭其視文人學士之恃主偷

生者身後之榮辱何如也夫妻道百道同一所處  
乃丈夫覩人面之顏巾幘守居貞之義疾威板蕩  
元勳辭故國而來慨嘆此離淑女泣伶俜而去興  
言及此人道如何

臨晉縣志

貞婦

卷五

三



胡氏李氏王氏列傳

唐生姚在陞妻胡氏子翼宸妻李氏臨人所稱為雙烈者也聞其死也於井忘在清流義已明末流寇肆虐胡李懼強暴汚姑語媳曰我未老汝少皆名家子也與辱寧自裁媳曰有願而未敢言也姑逝敢從以嬰寄乳媪遂溺藉其幹如生

王氏少司馬李棲鳳媳世昭妻也嫻母教達大家時闖氛甚惡氏率羣婦逆赴峨眉坡如蟻結賊至詞之驅之噴之虎瞳圓睜葵以忿羣婦呼號乞命氏唾臨晉瑤志貞婦卷五四且罵賊馮怒逆曳而馳陷於崖氏曰得死所矣奮蹟今過其崖者瞻熾燧也

臨晉瑤志

貞婦

卷五

四

高氏姚氏傳 劉氏 曹氏 姚氏附

高氏明邵千妻幼寡族牟產將二之氏勢面而髮矢死族懼已

楊常順卒妻姚氏嗣從子殤姑疑姚趨異而戕之也薄焉姚致毀深墨無人色姑泣曰我傷汝矣復嗣之氏年十六張有義妻劉氏賈君升妻曹氏吳麟兆妻姚氏皆夫死毀其容

論曰女之為容以有適也無適而容其意安在高

姚諸氏自毀成貞衛詩云豈無膏沐誰適為容三

臨晉縣志

貞婦

卷五

五

復之矣

高氏明邵千妻幼寡族牟產將二之氏勢面而髮矢死族懼已

高氏明邵千妻幼寡族牟產將二之氏勢面而髮矢死族懼已

高氏明邵千妻幼寡族牟產將二之氏勢面而髮矢死族懼已

趙氏孟氏張氏列傳

明荆文朝疫及其父室皆避朝妻趙曰與喪所天宜  
孺子侍罔倦舅亡夫未間傾裝殯之如喪禮

荆爾挺妻孟氏事舅姑恪夫死不苟貳挺故義士人  
曰夫義婦順

李淵修妻張氏孀五十餘年子大慶遠賈六載杳氏  
沒產求之慶至娶衛氏僅三年慶卒誓鞠孤或間之  
衛曰姑寡而媳他適忍乎以繼養里人倍值購之敬  
寡也

臨晉縣志

貞婦

卷五

六

張氏楊氏列傳

王肅乾妻張氏值歲饑乾負母就秦食歿母奉旗丁  
家氏聞日泣以賑粟易錢贖歸

馬繼秋無人勢且貧娶楊氏年十六欲改適之氏曰  
命如斯胡易節今年七十餘猶女

吳氏高氏列傳

宋步旦少孤繼大小宗二妻疾不可為謂吳氏曰我死汝適乎曰否問高氏亦否乃謂其母曰高誕子吳育女恐志不同行也一撫孤足矣皆寡何為二氏泣相向曰同出而與子齊矣躡宋氏門狗彘猶食其肉乎旦笑而瞑族有欲遣吳氏者吳氏日抱幼女以啼於室曰我寡何罪無子又何罪亡人口血未乾而乃顛我我安歸哉其死矣舍之將遣高高以膾刀到姑格之復到姑距躍曰我在孰與遣者族有言老婦兵臨晉縣志

貞婦

卷五

七

之必致死二氏哭姑哭鄰有救者皆哭遂節終二氏相親賢於妯娌

閻氏樊氏周氏列傳

富勤庄閻氏其夫及壯而夭以猶子嗣未幾復夭遺其孤則又夭媳兩世曰樊氏周氏皆節終今稱閻氏者曰王起元妻也稱王氏者曰王勤學妻也稱周氏者曰王進忠妻也子思天死為不幸而及三世不幸孰大焉然夫以婦傳天而不夭矣

臨晉縣志

貞婦

卷五

八

秦氏孟氏列傳

衛積樸妻秦氏艾寡族衆欲嫁之鬻之也或曰氏堅不可以劫誘之可乎或曰誘無益也劫之易迺宵薄其室將掖之縛之納之肩輿使強暴者負之以走氏袈毗礪齒撫刃自劓其面衆遁

孟氏年二十一其夫張建森死子未歲氏兄公之妻與其娣婦疑焉使媪語之曰汝之年少也汝之子嬰也少何時老嬰何時成也用憐汝告汝氏不應以斧自墮其指毫而沒里人今呼沒指娘也

徐貞女傳

邑東郊胡登第妻徐氏邑人所稱為胡節婦者也然而非婦也女也予傳孫烈女而列之於婦者傷孫之死而得有其夫也故女而婦之也予傳胡節婦而別之為女者傷胡之生而不得有其夫也故婦而女之也女今年七十四矣尚女之乎哉曰此其所以為貞也憶去年春予延馮子東山主誨桑泉書院東山者予已卯分校所得士時時為予道徐女不置蓋得自諸生口也時予以驛謁倥傯未得詳其巔末今年夏

臨晉縣志

貞婦

卷五

九

幸稍暇將有事於邑乘以東山所云足光斯籍也訪諸紳耆士庶皆脗合焉因思古人之禮賢者過其里必式入其間必拜如徐女者非所謂女中賢者耶遂徃拜其門一見之雖星星鶴髮而清臞矍鑠若耿介壯夫者然詢之無一語依然女子貞也其族衿士環而語曰胡登第弱未冠弛擔遠方徐女將及笄父母隱有他意徐女愴懼而歸於胡奉舅姑唯謹以織紉易甘旨而已糟糠不厭舅姑愛而憐之亦願其不終於胡而徐誓不改久之其族人有於他省見登第者

謂之曰歸第曰無俯仰資死不歸耳為我告徐氏改  
適徐聞而悲之無怨語貞操如故舅姑卒喪葬俱盡  
禮其姊字於楊境稍裕憫其貞而貧也以田畀之以  
子奉之噫其姊亦賢女哉予哀其族衆之說紀於志  
且備告太守觀察請旌於

朝  
前太守周修郡志訛其事入虞鄉並訛其夫之名予  
刊而正之或有欲希楊田之利以氏撫異姓子非制  
思媒孽其短為請旌阻徐女以其族達予曰旌不旌  
無所求也待瞑而已予聞而三復之曰此其所以為  
臨晉縣志  
貞婦  
卷五  
十  
貞矣初東山為余道徐女時旋以疾歸里辭進士令  
是亦易所謂守貞不字者即予向者曾寫深山坐嘯  
圖以贈東山歸今並欲以徐女傳遺之

